

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2646 del 01/09/2022

Traduzione in ladino

Dì de l'Autonomia: l é en esser l sit de la perferida de formazion

La dì de l'Autonomia no l é demò l'ocajion per recordèr noscia storia particulèra, l autogoern spezièl del Trentin vegnù fora dal anteveder degasperian e spartì a una co la Provincia de Busan, ma l é ence n moment per pissèr e elaborèr proponetes neves, apontin percheche l'autonomia la posse se renovèr e miorèr. Per chesta rejon, apede a la scomenzadives dai 5 de setember, e al program lurà fora delvers, portà dant per troèr fora la "seconda Autonomia" che fossa i cinacanta egn dal Secont Statut, l é ence outra proponetes che les tol ite la proponeta formativa, de gran emportanza per tor consaputa de sia reisc storiches, e l finanziament de projec porté dant da artistes e artis joegn trentins. E per cognoscer en curt duc i contribuc, ence un sit dedicà a la dì de l'Autonomia.

I projec di joegn artis trentins che l é stat finanzià

Ti dis passé l é stat aproà la graduatoria di projec ametui a contribut e che i é stac porté dant da artistes e artis joegn trentins en ocajion di Cinacanta Egn del secont Statut de autonomia. Se trata de proponetes portèdes dant te avisc pervedui da l'Aministrazion provinzièla per sostegnir la proponetes per i doi egn 2021-2022; la scomenzadives les à l fin de valorisèr e sparpagnèr, soraldut te la generazions neves, la storia trentina e l davegnir de l'autonomia, en referiment ai 50 egn (1972/2022) del ordenament spezièl del Trentin Sudtiroi. L é stat aproà sun doi egn 8 projec, per na suma de 95.884,60, de chisc, 6 i é apontin projec pervedui per l 2022 per na suma de € 70.384,60.

La perferida formativa

Apede ai percorsc porté dant dal Consei Provinzièl per l an de scola 2022/2023, la Fondazion Museo storich del Trentin dèsc l met de veder la gran instalazion "Spettacolo: un viaggio in 200 anni di storia" endrezèda aló da Le Gallerie di Piedicastello, co la possibilità de cognoscer i percorsc didatics "La carta d'identità del Trentino", "L'invenzione di un territorio. Il Trentino nell'Impero asburgico", "L'energia dell'acqua. Storia dell'industria idroelettrica in Trentino", "Capire l'autonomia" e "Novecento Trentino. Dalla Grande Guerra all'Autonomia", se podarà ence veder l Spazie Degasperì a Palaz Thun, estra che fèr la vijites compagnèdes a la mostra permanenta "La Provincia si racconta". Outra informazions se pel les lejer te la enjonta "La perferida de formazion de la Fondazion Museo storich del Trentin en ocajion di Cincanta egn del Secont Statut d'Autonomia".

Forum de l'autonomia

Dal meis de setember inant, tel palaz de la Provincia vegnarà endrezà na lingia de evenc, prejentazions, seminaries dedicché a la storia e a la cultura de l'autonomia. Avisa, vegnarà portà dant e analisà i libres "50 anni di autonomia" endrezèda da Mauro Marcantoni, e portà dant aprofondimenc dintornvia la piates più emportantes de noscia storia. En vender ai 16 de setember del 2022 sarà la pruma scontrèda dedicchèda a la chietanza liberatoria (1992).

L sit

L program e la scomenzadives dai 5 de setember, dì canche l Trentin zelebrea sia autonomia spezièla, i é

stac metui te n sit aposta, olache vegnarà metù ite ence duc i comunicac stampa che i fèsc referiment a la scomenzadives per i cincanta egn del secont statut. Tel sit vegnarà metù ite n studie su la storia de l'autonomia e, più en generèl, del Trentin, apontin percheche l'autonomia l'à sia reijes te chest percors particulèr de chest raion de confin. La piata la vegnarà agiornèda a do a do e smaorèda e se arà l met de desiarièr contribuc spezifics; anter chisc i libres che i é do a vegnir endrezé "Le politiche provinciali e gli aspetti istituzionali dell'Autonomia", dediché a la storia di ultimes cincanta egn de autogoern provinzièl, sot l endrez editorièl de Mauro Marcantoni.

Info <https://www.ufficiostampa.provincia.tn.it/Giornata-autonomia>

Chiò enjontà la perferida de formazion de la Fondazion Museo storich del Trentin en ocajion di Cincanta egn del Secont Statut d'Autonomia.

Traduzion di Servijes Linguistics e Culturèi del Comun general de Fascia
(Traduzione a cura dei Servizi Linguistici e culturali del Comun general de Fascia)

(cdt)